

Wanem ia domestik mo famli vaelens? Wanem ia seksual asolt?

Domestik mo famli vaelens hem i taem wan famli o patna blong yu i mekem vaelens, o hem i tretenem yu o spolem yu blong kontrolem yu.

Maet hem i wan patna blong yu we yutufala gat rilesensip o maet hem i wan eks-patna o wan narafala long famli blong yu. O maet hem i wan narafala man o woman we yu liv wetem mo hem i lukaotem yu (olsem wan famli o fren) mo hem i mekem vaelens o rabis fasin agensem yu blong kontrolem yu.

Domestik vaelens i save mekem yu fraet mo yu filim se yu no sef. Be hem i no fisikel vaelens nomo (we i minim se kilim narafala long han).

Seksual asolt hem i taem wan man o woman hem i mekem wan samting long yu long saed blong seks we hem i fosem, o yu no givim konsent blong yu.

Hem i minim se oli fosem yu o trikim yu blong gat eni kaen seks we yu no wantem.

Konsent hem i minim se yu agri blong mekem wan samting, olsem long saed blong seks.

Saen blong domestik mo famli vaelens

I gat ol saen we i save soemaot long yumi se wan man o woman i stap fesem domestik mo famli vaelens, olsem:

- hem i fraet long patna blong hem, eks-patna, wan famli o wan man o woman we i lukaotem hem
- hem i kasem kil mo hem i traem blong haedem ol kil
- hem i no alao blong manejem mane blong hem
- oli fosem hem blong stop blong go luk ol fren mo famli blong hem, mo hem i filim lonli
- hem i stap harem nogud tumas evritaem, hem i dipres o i kwaet tumas o hem i nogat konfidens long hem wan. Mo hem i nomo laekem ol samting we hem i bin laekem fastaem
- patna blong hem i stap akiusem hem se i pas bihaen o hem i stap jekem hem evritaem
- hem i no wantem lego ol pikinini i stap wetem patna blong hem
- hem i ting se narafala man i stap folfolem hem

Long wan imejensi

Sapos laef blong yu o blong wan narafala man o woman i stap long denja, kolem Tripol Siro (000) o go long imejensi dipatmen long lokol hospitol blong yu.

Long enitaem long dei, long evridei blong wik

☎ kolem Ambulens long 000

Kasem sapot hariap

Sapos yu stap wari tumas mo yu wantem toktok wetem wan narafala pesen hariap, yu save kolem wan long ol fon namba daon ia we i fri nomo:

Long enitaem long dei, long evridei blong wik

Lifeline ☎ 13 11 44
1300 MH CALL ☎ 1300 642 255

Suicide Helpline Call Back Service (Fon sevis we oli save kolembak yu blong helpem yu wetem tingting blong karemaot laef blong yu)
☎ 1300 659 467

Ol fon namba ia oli save givim fri advaes long yu

DV Connect

DV Womensline

☎ 1800 811 811 (*Long enitaem long dei, long evridei blong wik*)

DV Mensline

☎ 1800 600 636 (*9am - medel naet, long evridei blong wik*)

Sexual Assault Helpline

☎ 1800 010 120 (*7:30am - 11:30pm, long evridei blong wik*)

1800 RESPECT

☎ 1800 737 732 (*Long enitaem long dei, long evridei blong wik*)

Immigrant Women's Support Service

☎ 07 3846 3490 (*Mandei kasem Fraedei, 9am – 4pm*)

Multicultural Connect Line

☎ 1300 079 020 (*Mandei kasem Fraedei, 9am – 4:30pm*)

Kids Helpline

☎ 1800 551 800 (*Long enitaem long dei, long evridei blong wik*)



Hem i fri nomo blong askem blong toktok tru long wan interpreta long lanwis blong yu

Queensland Health
Bislama



**Yu gat raet
blong yu save
filim sef**

*Fri heltkea blong
eniwan we hem i
fesem domestik
mo famli
vaeleens mo/o
seksual asolt*



Queensland
Government

Stori blong May



May hem i lavem famli blong hem. Be hasban blong hem i stat blong saot plante long hem. Samtaem May i filim se i fraet tumas long hem. I go kasem wan taem we hasban blong hem i stat blong grabem han blong hem mo mekem vaelens.

May hem i bin fraet blong talemaot long eniwan from se hasban blong hem nao i wok mo i karem mane blong pem ol ting blong olgeta.

Tingting: Sapos yu stap fesem domestik mo famli vaelens mo/o seksual asolt, toktok long wan man o woman yu trastem. Bae hem i save helpem yu, blong givim tingting long wanem blong mekem.

Sapos yu luk eni saen se wan man o woman i stap fesem domestik o famli vaelens, i gud blong mekem wan samting from se maet i nogat eni narafala wan we i helpem hem. Help blong yu i save givhan long hem.

Kasem help

Wan dei, hasban blong May hem i kilim nogud hem mo hem i kasem wan rabis kil. Hem i bin pas long imejensi dipatmen long lokol hospital.



Dokta hem i tekem taem blong hem blong andastanem rabis fasin we man ia i mekem long May, mo i askem sam kwestin long May. Ol kwestin ia i helpem dokta blong faenem stret sapot we May i nidim.

May hem i fraet lepet blong toktok long dokta be dokta i talem long May se taem yu askem help hem i olsem wan fes step blong kamaot long vaelens.

Tingting: Yu save aksem blong toktok long wan intepreta long lanwis blong yu, mo hem i fri nomo. Yu save talem long heltkea woka sapos yu save wan intepreta we i toktok lanwis blong yu we yu wantem toktok wetem, o sapos yu no wantem toktok wetem. Mo tu yu save aksem blong wan intepreta tru long fon long wan ples aotsaed long Kwinslan.

Fri heltkea sapos yu no gat Medicare

May i save kasem fri heltkea long ol pablik hospital mo helt sevis folem problem we hem i fesem, iven sapos hem i no gat medicare.

Dokta hem i faenem wan sosel woka blong helpem May wetem problem ia. Mo tu oli tritim hem long hospital from ol kil we hem i kasem.



May i wok wetem wan sosel woka blong mekem wan plan blong stap sef taem hem i stap wetem hasban blong hem.

Skanem QR kod blong kasem moa infomesen long saed blong domestik mo famli vaelens

